



Број:
Сарајево, 02. 12. 2024.

Prof. Dr Zlatan Begić, poslanik
u Predstavničkom domu Parlamentarne skupštine BiH
(Klub zastupnika Demokratske fronte)

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
ПРЕДСТАВНИЧКИ ДОМ

n/r predsjedavajućeg Predstavničkog doma

UPUTITI: UREDU VISOKOG PREDSTAVNIKA;
n/r g. Visokog predstavnika Kristijana Šmita

PREDMET: Poslanička pitanja

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO	
02-12-2024	Број прелога
01-50-1-2413/24	

Na osnovu člana 166. stav 3. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20, 53/22, 59/23, 87/23, 50/24), postavljam

ПОСЛАНИЧКА ПИТАНЈА

Gospodine Visoki predstavniče, u medijima se pojavila informacija da ste, povodom određenih izjava člana Predsjedništva Bosne i Hercegovine g. Denisa Bećirovića, izjavili žalbu uvaženom Reisu-l-ulemi g. Husein ef. Kavazoviću i g. Zlatku Lagumdžiji. S tim u vezi, a u interesu vladavine prava, demokratskih vrijednosti i principa, te razvoja demokratskog društva, molim Vas da odgovorite na pitanja, kako slijedi:

1. Da li su ovi navodi medija istiniti?
2. Ako su istiniti, molim Vas da odgovorite koji je to pravni osnov za pokretanje žalbenog postupka pred uvaženim Reisu-l-ulemom, kao i pred g. Lagumdžijom u ovom predmetu, odnosno koji je to član/stav Opšteg okvirnog sporazuma za mir u Bosni i Hercegovini na osnovu kojeg institucija OHR-a, u slučaju nezadovoljstva izjavama ili u pogledu postupanja funkcionera javne vlasti (u ovom slučaju iz reda Bošnjaka), ima pravo i legitimaciju da pokrene ovakvu vrstu žalbenog postupka pred vjerskim velikodostojnicima i/ili pojedinim nasumično odabranim osobama (kao što je g. Lagumdžija), tj. da li – i na osnovu kojeg člana Opšteg okvirnog sporazuma za mir u Bosni i Hercegovini uvaženi Reisu-l-ulema i g. Lagumdžija imaju nadležnost u pogledu provođenja postupka i rješavanja po žalbi OHR-a, te kojim pravnim aktom su regulisana pravila procedure (da li, u tom slučaju, g. Bećirović ima pravo odgovora na žalbu, u kojem roku, da li se održava javna rasprava pred Reisu-l-ulemom i g. Lagumdžijom ili je riječ o postupku koji je u cijelosti u pismenoj formi, da li je uvaženi Reisu-l-ulema prvostepeni organ, a g. Lagumdžija drugostepeni ili obrnuto, u kojoj formi se donosi odluka po žalbi (presuda, rješenje ili neki drugi akt) itd. itd.)?
3. Da li ste slične žalbe podnosili uvaženim velikodostojnicima drugih vjerskih zajednica, tj. da li ste g. Lagumdžiji podnosili žalbe u nekim drugim predmetima i kakav je bio ishod tih predmeta?

Također, imajući u vidu da mi nikada niste odgovorili na pitanje koje sam Vam, kao izabrani predstavnik građana Bosne i Hercegovine i u skladu sa Poslovnikom Predstavničkog doma Parlamentarne skupštine Bosne i Hercegovine, postavio još u maju tekuće godine, to Vas molim da


ovom prilikom odgovorite i na to pitanje – koje se navodi u nastavku, a u interesu javnosti, transparentnosti, razvoja demokratskog društva, vladavine prava, te u skladu sa Poslovnikom Predstavničkog doma Parlamentarne skupštine BiH:

1. Zašto ste građanima Bosne i Hercegovine faktički nametnuli vlast za koju postoje ozbiljni osnovi sumnje u pogledu povezanosti sa tzv. "super narko kartelom" (prema nalazima FBI-a, EUROPOLA, DEA-e itd.), kojim povodom ste čak mijenjali izborna pravila u izornoj noći, suspendovali Ustav itd., te da li ste pri tome djelovali samostalno ili kao dio organizovane grupe, potencijalno u saradnji sa osobama – političkim ličnostima koje se dovode u vezu sa navedenim narko kartelom, a koje danas obavljaju najvažnije funkcije vlasti ili drugim osobama koje predstavljaju tzv. međunarodnu zajednicu u Bosni i Hercegovini?

S obzirom na prethodno pitanje, "nisam znao" se ne računa kao odgovor iz razloga koje ne treba posebno obrazlagati, pa Vas ljubazno molim da, u skladu sa pravom na snazi, obrazložite svoje motive kojima ste bili vođeni pri poduzimanju niza složenih radnji koje su dovele do naprijed navedenog stanja, a u interesu javnosti, transparentnosti, razvoja demokratskog društva i vladavine prava.

S poštovanjem,

PODNOŠILAC


/prof. Dr **Zlatan Begić**, poslanik
Predstavničkog doma Parlamentarne
skupštine BiH/